

本館新開除禮拜外日出一張
本館外埠均可預致本館取
閱如外埠閱報加寄費可
也除日報外常刊送外復不
惜工本從英法德俄各國裁
紙各機器以待與 各官商
刊印書籍單件並有英國各
國活字及各式花邊等紙有
西人印工藝甚精所有中
西文字均能刊印並有石版
印字大小機器均用精工

第 二 千 二 百 三 十 號

報 叻

本館開設在舊巴口門牌第十四號

印工極絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登亦不須無
礙於人而後始錄其有謬
成文以及支離辭者概不
登報嗣後 諸翁來札尚祈
自諒更須寫實里而後敢
登但來稿存與不存均不能
將原稿收回也 本館謹白

已丑四月初三日

凡刊報每月一元每張五仙 大英一千八百八十九年五月二號禮拜四 凡刊報每月一元每張五仙

奇聞聲明 ○啟者本報所刊諸報其價甚廉按乎而與半年開單一次取報則此與寄沽者有
所不同近見外埠諸君取閱本報者或有僅一二月之久即為止截其更有取巧者取閱本報迨屆半年開
單往收報費之時則竟謂謂已致本報等情寄何以復送前來緣是即欲圖沒報費味堪痛恨竊思
本館之報原期大眾同閱諸事之濟否不在一人倘不欲賜閱即以一函投本館斷無有不為之止截豈有
強人看閱之理則此言之詐可知茲特聲明 諸君止看本報者必須諸函由國家信館寄助投之本館
始為准信倘本館未接來函仍為派送則不妨再為示教至於取閱報紙必須至一年半年方能截止截否即
作為零沽當按價索償勿謂言之不預也特此聲明
本館謹白

論依人非計

昔有樞帖云芝草無根禮泉無源人貴自立夫自立者不依於人之謂也雖天下無不求人之人而能於求
之中仍有可以自強之處則人不敢以其有所求也而輕之我亦不至以有所求也而畏之此千古幹事之
人所為也雖然自立之說談何容易試觀三十而立孔子言之如有所立顏子言之如有所立而執不期其
卓然自立其碌碌因人成事者殆亦不得已而然也然而既欲自立則必一空依傍而後可如班定遠之投
筆終軍之請纓宗懿之乘長風破萬里浪動名彪炳於當時韓愈稱傳諸後世如此者而後不愧自立二字
即曰不以富貴擾其心不以爵勳其志或著書於名山或高蹈而肥遯千載而下尚有人稱之身雖隱而
名以彰聖賢之徒不易幾也一事一物一材一藝果能獨出心裁不拾牙慧則或成一家之言或為一世之
業亦未嘗不可謂之自立所患者依人以立譬之譬者偶偶然循牆以行譬之跛者或汲汲然持杖而趨失相
則止失扶則暗此已可笑之甚矣而猶不能自鏡不知自慙見人之自立者或置議之訕諷之甚而至於忌
嫉之恨毒之嗚呼謬矣夫修身者必先以自立為成己之本然後可推之於齊家治國平天下而無一不
實通一身之自立遠矣而未遠也前漢倚外戚而即以成亡後漢倚宦官而即以宦官敗五代倚外援而
即以外援滅宋倚和好而即以和好禍天下之事未有可以倚乎人者也古人云輔車相依唇亡者齒寒為
此說者非謂不能自立而專依乎人謂自審所與而後可以隨立也即小以見大即古以見今昔時之與國
雖小而其理則一今日者各國互相盟約各相通商凡諸大國誰不欲自立而無如各小國之依人者不
旋踵而失矣而彼大國之中互相牽制競為掣扼其中亦有強弱之分其外為強強內實弱弱者無論矣即
實有強雄之勢有時自守不墜用人不常動輒貽人以口實若此者亦有所聞試就各國之能自立者言之
普法之戰普之能自立也然法國雖一敗塗地而幡然改圖易君主為民主自敗之後收合餘燼力求自強
至今亦無人敢侮之則彼亦向足稱為自立者以視土耳其其介乎強國之間恃英與德諸大國為之援者相
去遠矣華盛頓之與於米利堅與英人戰爭者有年屢蹶屢振卒能自成一國不屬於英且能定制創業有
條不紊定四年更換之法臣民咸翕然從之無異言此可謂能自立矣惟前此招華工以開地今日逐華工
禁華工大都聽土人之言不惜貽議於與國開罪於鄰邦此其一失恐日後將有失其自立之權者矣日本
亦東洋之小國耳以視中國三省版圖以視威權下移政不在國王而在大將軍自維新以來王克自振乾
綱獨攬一改從前積弊而與泰西各國開埠通商深慕西法崇尚西學並衣服制度而改之以以西國為法
人多有非議而訕笑之者而彼不顧也數年以來兵制頗見精強兵艦亦漸增廣雖不免於國用日竭而究
不得不謂之自立矣夫自立者不依於人而能內修政治外睦隣邦何必仰息於人而為安危之所繫哉治
國之道如是而謀生治產亦莫不如是天下之大古今之遠未有不自立而傍人門戶而可成爲與家創
業基本頓固者也上而國家下而庶民皆當以自立一語終身佩之勿忘

諭旨恭錄

○三月十六日奉 上諭御前大臣奕劻奏參工部堂司各官工部奏查明檢舉各一摺
本月十四日慈甯門外應行支搭黃帳金殿該部理宜妥為預備何以屆時竟未備齊實屬不成事體承辦
司員著查取職名交部議處該部堂官著一併議處欽此同日奉 旨昨日崇上 慈寧端佑康頤昭豫莊
誠壽恭欽顯皇太后徽號禮成所有恭誌冊寶龍亭掃蠟華蓋及禮樂法駕執校尉着加恩每人賞給一
兩軍銀一個由廣儲司給發欽此

遺訊泰行禮東麻禮戰西麻禮恩慶各分獻欽此○又題初七日常響大祀 天於 國丘奉 旨朕親詣行禮賜從壇禮秀德壽兆珥文 照各分獻欽此

法京電報 ○去月晦日法京發來電音云現法國戶部大臣核冀其國中庫款尚虧空銀竟至一百廿一兆扶令之多云以此合諸 銀員則有三千餘萬矣

英京電音 ○去月晦日英京發來電報云現在法國亡臣巫連牙將軍已抵英京業在倫敦稅屋寓居將為久客之計然則將軍之志 在英印抑在法耶是不可不留意以觀其變也

荷事電音 ○去月三十日英京發來電報云荷王之病業慶大安現在已可復理家國事宜至前者所言由廷臣公舉賢員暫權國政 一端可以作為罷論矣

英將至 ○前報英國郵船惡些士因在蘇彝士河有阻不能如期而至一事刻接前途電信言該船於去月晦日下午一點鐘業由 高浪霧啟行預計程途則於初四日說可平安抵叻矣茲特報登以慰懸盼

巨椰異聞 ○西人葛斯奴向在叻郊開園種植為生近其園中椰樹出有椰粒其巨異常徑闊有三英尺之譜權之可重廿三磅人望 之不啻玉石飽實為向所未見現將此椰置於家中一時往觀者頗為繁盛云按如此巨椰世所罕見獨惜此椰之出為日較遲若使長於賽 花會之時則幾何不為彼首奪一幟耶物之盛衰亦有其時洵不謬矣

案懸未結 ○前錄穆拉油人某甲其子為匪人所斃已在該處附近之擊球樓上獲有其同籍人亞宏建於暗牌總差利君處候訊昨 在府署揭案乃因該典肆之為甲作証者未有實供故難以定讞現尚押候俟月之初七日始復澈底根究云

斃虎獲賞 ○陸之有虎水之有鱷均為民害故本坡府署常懸賞格倘有人能斃之送交到署驗畢即給予獎賞以勵有功蓋嘉其能 為民除害也鄉人某甲向在章夷律築園為生去月廿九早偶出見有一虎捕犬而食正在餐餐大嚼甲固有胆力即回園中取鎗而出隱於樹 林深處向虎擊之果中其首虎負痛咆哮良久遂奄然斃矣甲乃命牛車至將虎載至府署領賞旋經巡捕官驗畢賞以洋銀五十元甲乃穿虎 欲歸園復為人以四十元為之購去其子鎗斃一虎不半日而已獲九十元乃欣然市酒殺而返

制馬俚語 ○前年舉行英皇壽禧五十年慶典之時印度國家亦曾塑英皇之像身披法服右手持書一卷左手執一金鞭此固西國 帝王之制所以壯觀瞻也乃近有印度鄉人二名一日偶至墜下往觀觀其一人問曰此像 手持書一手執棍係存何意其一人答曰以吾 觀之所執之書必為國家律例以教僑僑務須聽從倘有不遵則舉其左手之鞭而打矣其言如此聞之頗堪令人捧腹然此雖齊東之語亦未 嘗無理存焉野人之天性未泯於此可見之矣

赴水身亡 ○廿九日有付刺高勞輪船由汕頭抵叻據其司舟報稱該船於二十二日在巨洋駛行詎有華客一名墮水斃命無從撈 救云噫是有何緣衷而竟自戕於海耶然近來輪船之盜風熾極保無有誤害之事然則該客之墮水其係果尋自盡耶抑為匪徒推墮以為劫 財計者耶行路之難如是如是

新狀師抵叻 ○密禮尼路兄弟狀師在叻代理訟務有年聲名頗噪現聞英京復到有新狀師一人與其合夥該狀師名些活法律甚 嫻且口辯最精今密氏昆玉得此人故一時戚友無不為之道賀云

查船新例 ○現本坡國家出有新章一則凡諸輪船有載華僑來叻者必須報明候驗察其船中否能潔淨如不潔淨則可罰銀至五 百元云是亦防疾之一法也

車斃幼孩 ○三十日有吉甯某牛車一輛至淡申律某園前甲乃停車園外已遂入園不知所作何事未幾適有華人婦抱兒經 其車碾牛見之即挺其角欲觸婦怖甚棄兒於地驚而逸去牛亦奔竄牽其空車而行詎兒在地中適車輪由其頭而過故頭斷遂為車輪 所碎歸咎此情形甚悲憤急鳴呼至即將甲前其車執簿解於府案現該孩屍已經驗委係為車所斃而甲則猶未察府尊堂訊想亦不能 辭其咎矣

鬼能為祟 ○牛車水許花樓有鬼物之往往作怪運召 警而莫知其由遂而穆穆油人以符籙驅逐乃不見效故羣妓避之竟 至歇業經靈驗報報異聞奇怪怪奇奇祟信苦去月晦日某稿以院內圍寂驟聞霹靂京司守之人心胆皆碎因命樂部名力軒軒者於 下午十點鐘在院內唱曲一則破寂一則媚鬼也乃各人皆戒心嚴在樓下團圍本院本三層樓且曲折自疊妓遣後即一盡無敢看者晚 當唱曲之際甘對戶為國人某甲所居忽見二樓有二人穿白衣服一色於窓隙探視縹緲紛然墜下方疑訝問有瓊洋人由院 中經過樓上忽傾水而下淋漓淋漓衣衫濕透洋人大怒疾聲叫喊院中人聞之皆以樓上並無人跡瓊洋人不信幸有樓時有巡差數 人亦排眾進前見其屍屍無一人遺毛髮然有瓊洋人唱曲者之粉書演其技唱畢即送進而去云

售發酒密烏



售發酒密上頂國西

Culmbacher Bock-Bier



敬啟者本行親由歐洲督辦頂上正裝密酒來叻發售其酒香美異常且蒸製最為得法功能清涼解毒滌暑除煩於南洋尤屬相宜常常飲之可令人不沾暑濕癘疫等症茲特將來發售價甚相宜諸君欲購買者請認以上所印此酒標頭慎為選擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐登洋行啟

啟者本行向由英國督辦各種美酒來叻發售久已遐邇馳名茲復由英新辦到頭士斗雲字號之狗頭標烏密酒到助應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈
大英一千八百八十八年八月十五號 明碼也洋行啟

代驗機器 ○啟者余向習機器深於此道可以代人考驗因仁機器以及籌商機器等輪船等事倘諸君有輪船火爐等請往時加查驗有無損壞抑或新造輪船查驗否能有弊實等情亦無不可所價工值亦甚相宜或先與言明工價若干均從其便至於諸君欲買受機器者請往代為察驗合宜與否均能効勞諸君惠顧者請移玉趾至附近郵務局之內打厘路邊第四十四號門牌本寫字樓內相商便得此佈
大英一千八百八十九年四月號 西國機器師亞北謹啟

時欵鐘表出售 ○啟者本店開設在國家信局對門即來安公司之隣專在歐洲督辦各式時欵鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上線之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相合金表練金戒指等各物甚多不能備錄而本店并能代諸君修理鐘表以及風雨針等件甚為精細保能磨度無訛諸君惠顧請即移玉 光臨為盼
大英一千八百八十八年四月十七號
模申鐘表店謹啟



佛羅斯藥水

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身體虛弱酒色過度等症氣馳名於世二十餘年天下各國講究講養者多經購用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯調飲須食一樽之譜方得見効如蒙光顧請到中國各口岸西人藥房探買其在本坡則各藥房均有發售如欲多買者則請至然里洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元半佈
大英一千八百八十八年正月十八號

京報選錄

○頭品頂戴閩浙總督曾國公寶第跪 奏為恭報微臣暫署福州將軍接印日期叩謝 天恩仰祈 聖鑒

事竊臣於光緒十四年十月廿四日准暫署福州將軍臣楊昌濬咨開具奏交卸督篆一摺奉到 硃批著即速赴新任福州將軍着本寶第暫

行署理欽此十一月初二日准暫署福州將軍臣楊昌濬派委左翼協領吳欽等將福州將軍印信閩海關關防暨 勅書令箭文卷等件齎交前

來臣當即恭設香案望 闕叩頭謝 恩祇領任事伏念臣菲薄材溘濫 寵遇優膺職寄未効涓埃茲復仰荷 恩綸暫署將軍篆務查閩

粵為西南屏障操防務協機宜海關兼聯中外籌備樞核尤關緊要臣以樛庸而當重任不殫竭愚忱之圖報稱惟總督兼管巡撫政務繁

近年各屬土習民俗迥殊昔賦亟須次第整頓兼權重家深恐精力難周新授將軍希元現已到京可否仰懇 天恩飭令希元速赴新任俾專

責成出自 聖慈所有微臣接署將軍暨閩海關印務日期前感激下忱謹繕摺叩謝天恩伏乞 皇太后 皇上聖鑒謹 奏奉 硃批知道

了欽此 ○陝甘總督福州將軍臣楊昌濬跪 奏為恭報微臣交卸暫署福州將軍印信閩海關關防日期恭摺仰祈 聖鑒事竊臣於本年

九月初十日奉交卸督篆一摺二十三日遞回原摺奉到 硃批著即速赴新任福州將軍着本寶第暫行署理欽此惟時督臣方在辦

理武關揭曉後臣即於十一月初二日差委左司協領吳欽等將將軍印信閩海關關防暨 勅書文卷等項齎交閩浙督臣本寶第接授任事

臣即於是日卸事一面料理行裝擬於十二月初七日自閩起程由海道溯江漢而上至樊城登陸入關陝甘肅新疆巡撫二

州將軍印信閩海關關防並起程赴甘日期恭摺奏報伏乞 皇太后 皇上 聖鑒 奏奉 硃批知道了欽○尚書銜甘肅新疆巡撫

男臣劉錦棠跪 奏為願懇 天恩展假數月回籍省親一摺陳仰祈 聖鑒竊臣前以久病疊荷 聖慈優給假假 寵頒珍藥現復蒙

恩賞假二月並 賞給入蔭八兩俸查調攝臣自應恪遵 批旨加意醫調以期下慰宸廑亦何敢復有所請惟臣少道家難賴祖母陳氏辛勤

鞠育得以有成其後復四方相依之日恒少今又八十八年未嘗歸省上年臣弟自河南歸籍省視臣未得歸臣祖母望之尤切每遇鄉人來者

必對之泣曰安得吾孫使我一見也臣祖母素明大義年衰病迫亦不至以思念之意形於語言臣是以學次陳請冀蒙 允許近得臣子來信

臣祖母於七月初間傾仆不語有類中風數月醫治未痊家人皆輪流坐夜此信係七月初十日發寄今又數月未得來書蓋路遠則聞信亦難

臣父兄弟二人臣父於咸豐四年歿於岳州臣叔原任廣東陸路提督劉松山於同治九年歿於金積堡皆勞勩疆場義不旋踵臣叔無後以臣

弟嗣之其在諸孫又只臣兄弟二人而臣祖母之念臣最苦亦有由然臣所以竊竊上陳者亦以為宜懇 矜憫也臣誠知甫經 賞假不意

遽有所陳然臣祖母老病侵尋常危在旦夕若不及今陳請誠恐永無見期再四思維惟有仰懇 天恩展假數月臣得回籍一併省視現在邊

陲無事藩司魏光燾於應辦一切均能措理裕如臣到家後一俟假滿即當星夜馳回本任於邊防亦不廢事如蒙 恩允准可即即以藩司魏

光燾署理巡撫事務俾臣迅速啟程臣不勝迫切屏營待 命之至謹恭摺具陳伏乞 皇太后 皇上聖鑒訓施行示謹 奏奉 硃批另有

部議奏欽此

旨欽此 ○李鴻章片 再代理平鄉縣典史莊慰會前因疏失斬犯王二詔未定罪名人犯趙二小甄相成三名越獄脫逃當經奏參革職

問留於地方協緝查自光緒九年十月初四日奉 旨留緝之日起業經五年限滿除甄相成一名先已投首外僅據續獲趙二小一名其斬犯

王二詔現尚未獲原審並無賄縱情弊應將該革員莊慰會照例擬杖一百徒三年惟限內恭逢光緒十一年正月初四日奉 恩旨應否准其

減杖收贖請部議逃犯王二詔仍飭嚴緝務獲據署臬司方潛師具詳前來除咨部外理合附片具陳伏乞 聖鑒訓示謹 奏奉 硃批刑

部議奏欽此

招人修路 ○大英欽命新嘉坡輔政使司 為招人承修道路事照得現在欲修理道路由佐郎律起至左厝港止計該路長共九千三

百三十英尺特此曉諭商民人等一體知悉如有欲充其役者可於西五月三號即華曆月初四日以前入票投交本署以憑國家選擇現

國家前欲在丹戎巴葛建做新善館一間前館驛一間所入之票則限至西五月六號即華曆四月初七日止如欲知其詳細者可向營造

招承賭碼

○大英北慕娘輔政使司 為招承賭碼事照得仙那港賭碼現將屆期茲特出投以西本年七月一號即華六月初四日起

水廠告白

○啟者架冷橋心馬先之火鋸廠自唐四月初二日即英冥月一號起已為忠善堂租受但各條線坊坊板者請移

步往問森茂號便知特此奉聞

大清光緒十五年四月初一日 大英一千八百八十九年四月二十號 忠善堂啟

招承稅務 大英一千八百八十九年四月十八號
 領事官等處 招人承辦本處下半年出口餉稅所有土產均歸承承人收取惟燕窩一項不在其內而以上所列地方之入口稅亦招人承辦如各 洋酒 食鹽 雜烟 火柴等物入口之稅均歸其收取如再求增給地方俾收稅項亦無不可倘欲知其詳細者在商可詢問申洋 右港可詢東龍他林洋行如有欲承此役者可於西六月十五號即華五月十七日禮拜六以前入稟其票須蓋用火漆二篇交與 帳參贊以爲國家棄取各宜踴躍慎無觀望切切此佈 大英一千八百八十九年四月三十號 示

西醫問世 西醫素習西醫無論男婦內外各科均能效命惟常出門就診在館者少以致友人久待失接長多時深泡歉茲定於每日上午由十一點鐘起至三點鐘止下午由五點鐘起至七點鐘止在藥房候教 諸君有就教者請依期 玉臨是荷
 大清光緒十五年二月十九日 大英一千八百八十九年四月十八號 中華藥房林振榮謹啟

尋人告白 茲有男子一名姓賴名忠年二十歲番禺縣捕房人原係姓陶身材短小單眼面白而瘦於本年二月廿一日被人所誘由香港搭勿者十餘奉火船往日裡因船中各客不愿往日裡中途在船中嘈鬧司舟因將該客帶至新嘉坡如有查知此人下落前來報知俾得往贖即酬花紅銀十大元如有收留者祈將此子送回朱蘭蘭蘭即酬花紅銀三十元正其銀由朱蘭蘭蘭代決不食言此帖是實
 大清光緒十五年歲次己丑三月廿一日 表兄陶敦復告白

車馬發售 敬啟者茲有馬車一輛前馬一對甚爲精美其車乃係谷打刺士地方著名工師申所做寄至叻地更請南末兄弟重新修理其馬係爲阿納之種甚爲雄壯善於駕駛遲速可如人意或用單馬或用雙馬均無不可並有鞍轡等件無論單馬雙馬之鞍轡俱全此車馬等乃係檢察使司之物如有欲爲買受者請至本館詢問便得 大英一千八百八十九年四月十九號 巴越館主謹啟

妙手鑲牙 牙科一途雖云小道然亦頗難問世蓋必須盡得此中之奧方能無愧於心若得一知半解即欲以應人求則鮮有不至於誤事者余向在歐洲精習牙科醫術舉凡鑲牙補牙脫牙以及牙科各症無不深通其奧前者曾至加勝巴三寶瓏泗水以及爪哇地方售術均蒙 諸君獎譽尤爲三寶瓏馬妙泉馬天所賞識並撰文以傳美譽現在挾術遊叻寓居附近英大教堂之亞打非酒店內第十六號房中每日由上午十點鐘至下午五點鐘均在館候醫 諸君有欲就教者請即惠臨爲盼 大英四月一號 西國牙科醫生非立謹啟

招延夥伴 啟者茲倫敦有某英商欲在檳城慕娘運羅日裡泗水仰光等處各延請一人駐紮各地專代諸仕商購辦歐洲各物如有欲承此役者可至叻渣打銀行向余相商便得特此佈聞 大英一千八百八十九年四月四號 劉清玉謹啟

列願于那芽花露水 此水係以于那芽花所製其花出自日本國中香冠凡卉乃列願君清而日本採辦回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊叮之毒若以此香水和水盥洗固能令人肌膚嫩滑顏色光潤且瘡癩不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸尊有購買此水者請看以下所列第一款之西字標頭本藥房所用製載此水之樽係有浮凸字標如下所列第二款之西字註明列願公司字樣如標各均有細書號始爲真貨否則係爲混冒尚祈慎購至於各式人等有欲購本藥房花露水或由外處運來或在本藥房發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

RIGAND'S KANAGA WATER.
 4430.
MORRHUOL.
 模好呂解毒保元藥丸
 此丸專治虛損吐血花柳傳毒咳嗽哮喘目痛重舌等症其效如神且不惟解毒且能調和營衛葆養精神現用法英美各國醫士所用花柳解毒之藥均用此丸無不藥到病解立見春回若服此丸須仿照魚肝油之法要緩緩吞下切勿勿誤爲急吞以背服法此丸係以樽裝每樽計一百粒現託新嘉坡藥房麥加君處代售此佈 大英十一月八號

SANTAL MIDY.
 DR. MIDY'S SANDAL OIL CAPSULES.
 檀香油藥粒 此藥係製成油質以薄皮一重裹作粒形以便易吞而其藥力能治花柳淫毒白濁帶症閉一切等症如症雖香痛服之立止而服藥後約歷二三日即見功效但所患過重者須每日吞食六次每次吞食二粒至痊愈後宜再服十日庶得消除後患永絕根株惟食此藥時宜戒色慾勿氣怒勿勞動等事幸勿自誤致礙藥力新嘉坡藥房麥加君處代售此佈

FRUIT JULIEN.
 浮律如里馬藥糖 此藥糖係採鮮果之汁加以藥料和製成塊略如糖粒氣味甘佳而其功效較於油爲日無無論男女老幼均能服食且其味有如糖菓最爲適口尤爲小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚癢癢等症服之亦可涼血行滯且能令臟腑潔淨痼疾立除但服之法宜於臨睡時吞服一二粒翌早飲茶一杯須臾即覺大便通利身體爽快現此藥託交新嘉坡藥房麥加君處寄售此佈

大英十一月八號

大英北方商務火燭保險有限公司告白

啟者本行向代理大英北方商務火燭保險有限公司專代 諸君承保洋面平安業蒙 惠顧按本公司更會設火燭保險以保準中平安實堪相宜茲
 將略列如左 一號保險每值百元保費銀五角其另扣同十八仙與投保者 土油保險每值百元保費銀一元五角亦扣同十八仙 煤炭
 保險每值百元保費銀一元二角五仙亦扣同十八仙 雜貨保險其費置於丹戎巴葛貨棧內者每值百元保費銀一元其亦扣同十八仙
 其餘各貨如欲買保者請至本行面商價甚相宜此佈 大英一千八百八十六年十一月二十九號 代理人明嗎也洋行謹啟

三品酒賣出



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香
 美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白頭三
 品酒者請細認本號招牌之內有小紙包頭註華字號或級明嗎也公司者始無誤若此字樣即屬
 偽冒請為細認特此佈 聞 大英一千八百八十五年十二月十九號 明嗎也公司謹啟

本月初三日

傳上	四百九十五元	新烟	七十四元九角五分
上日錫	三十四元五角	叻烏	廿元零一角半
叻甘蜜	八元一角二五	日	三十四元二角半
金行行情	金盾一個		六元六角
印度盾	一百元兌		二百廿六盾
爪亞盾	一百元兌		一百八十六盾
銀行行情	銀行現銀票	銀行利息	十二八仙
商人三十日期票	一百元貼銀行	三元七角半	
匯廈門	銀行現銀票	一百元貼銀行	一元七角半
商人三十日期票	一百元		五角
匯加勝巴	銀行現銀票	一百元	七角五分
商人三十日期票			一百八十三盾
匯加里末	銀行現銀票	一百元	一百八十七盾半
商人三十日期票			一百八十三盾
匯三寶瓏	銀行現銀票	一百元	一百八十七盾半
商人三十日期票			一百八十三盾
匯加錫	銀行現銀票	一百元	一百八十三盾
商人三十日期票			一百八十七盾半
匯井里汶	銀行現銀票	一百元	一百八十三盾
商人三十日期票			一百八十七盾半
匯仰光	銀行現銀票	一百元	一百八十七盾半
商人三十日期票			一百八十七盾半
匯加里吉	銀行現銀票	一百元	二百廿五盾半
商人三十日期票			二百二十元
匯仰光	銀行現銀票	一百元	二百廿六盾
商人三十日期票			七十四元

火

船

行

請示船期 ○啟者本館之報按日必將出口之各輪船行期詳登凡有輪船之公司行號見報為之先期佈告使人周知以便招接載運不無補益是為利便之舉但本館記事浩繁逐一詢問恐或有遺茲敬與 諸君約凡有輪船各公司行號如遇寶號出口之船某日展輪解纜自有定期務祈先將船期示知俾本館以便照登則欲附貨搭客者可得先事而備自無後至之虞不費之利諒 諸君之所樂從也再者 諸君送來之稿祈於每日三點鐘以前交到始能照刊若過三點鐘本館排字經已則不能照錄當俟下日始能錄出尚祈見諒特此佈 聞 本館告白

實勝越	那萬美輪船	初三日	下午一點	瑞泰號
網略	海律勝輪船	初三日	下午四點	開行
日理	顏爾密火船	初三日	下午二點	棉示必洋行
香港	南州火船	初三日	下午三點	振成號
汕頭	又	又	又	又
廈門	又	又	又	又
西貢	賜爾王示輪船	初三日上午十一點	葛士兄弟洋行	
網略	喜求峇輪船	初四日上午十一點	棉示必洋行	
井里汶	新檳榔輪船	初四日	下午二點	山仰棧
三寶瓏	又	又	又	又
麻六甲	萬里洞輪船	初四日	下午三點	豐興號
吉龍	又	又	又	又
柯勝擔保	又	又	又	又
檳榔嶼	亞非利加輪船	初五日	下午四點	莫實德洋行
仰光	又	又	又	又
加里吉打	又	又	又	又

英京電音 ○二十八日英京發來電報云英國力定甘地地方之煤工約三十萬人現在通行聚議須將其工資加一仲算現在礦至西六月為止即須加數加增倘不如所願則概行罷其工役云

販私狡獪

○泗水地方為荷蘭屬地烟土最昂烟價最貴而販賣私烟者亦最多且其計亦最工乃竟愈出愈奇竟有令人不可思議者亦可見私泉之狡獪矣聞該處荷字報有言近來該境有販運私烟入口者其計甚工先是有華人船一艘至該處地方船中人即赴公庭報知言有人在船斃命有司聞報乃飭人往船中略為看視則見有人臥於船板中香燭水飯其足下并有哭泣者焚格者跪拜者忽越異骨驗者見之遂以為真因即出船看其殮葬諸船人乃適市購一棺至即在船中收殮畢由是舉哀陳樂放炮鳴鑼諸人擁護往山場安葬該船數十人皆往送葬僅留一二人以守其殮迨至葬畢而歸則已忽忽解纜矣迨翌日有土人過其葬處見其棺置於荒烟草間猶未入土深為駭異就前觀之則棺蓋已露一隙異而啟視則棺中一棺蓋諸屍屍欲載私烟入口以稽查之嚴想難奏手故特設計命人詐死而後以棺載烟登岸使人既而事聞於官往為勘視反覆推測始明其故蓋諸屍屍欲載私烟入口以稽查之嚴想難奏手故特設計命人詐死而後以棺載烟登岸使人所不及疑迨至荒僻之區乃乃棺棺出烟棺棺而去耳噫其計之工如是則何以勝防哉

誤插屍骸

○西國格致之士前經格得縮屍之藥人既死後藥其屍即縮如嬰兒堅久不壞近來西醫多為此法茲聞美國報有言該處有華人某業已身故其戚友欲將之載運回華既而念以棺裝載不惟費用甚多且其屍到華已需不能俾其家人見面因為縮屍之法將屍縮小置於白鐵箱中儼如西國之食物箱因交某輪船付寄回華該船即置其箱於背艙之中迨該船到華某家人接函後即往船將箱領回迨啟而視之則內中所載皆鹹牛肉并無所謂屍骸也者不禁大為驚異細思其故大抵該船將箱錯認誤以屍箱與他人作食物起去矣某家人於此竟不知何處追尋惟有徒為悲哭耳按此事頗為可異想彼領屍者既得牛肉而該屍必誤為牛肉以沽賣而購買牛肉者必將購得屍身不知其取箱見屍時究作何狀耳

覓得土油

○俄國來信言有礦師某在該處之耶刺山覓得土油礦一區其油甚豐約而算之竟有九千兆磅之多云夫俄國既得此油則俄油之源必將更廣矣

兇徒詳臬

○月朔日本地巡理府右堂理刺傷巡差之穆拉油兇犯沙禮一名先是沙禮於去月晦夜臥於芒古連街某廟之前身旁有衣物一包竊為該處之當備巡差所見以其形跡可異呼之起視其包而視之則所有衣物多非沙禮所應有之件知為竊得因詢此物來從何處沙支吾不能答遂怒欲執之沙亦怒因露刃刺差計傷三處差乃鳴其號筒催其伴至始協力將沙執獲時該差已受重傷因送醫院求治翌日即將該犯解送府堂候訊旋理府尊堂鞠查得該犯前者曾犯罪繫獄三次顯係積匪無礙今敢露刃傷差厥罪甚深因判詳解臬憲臺前核奪云

別有肺腸

○法國報云有法人某前者曾傷其左手屢醫不愈因從醫語將手截去由是僅存右臂詎某別出奇想以為手本吾之所有今何忍棄之而去因令人刻其骨造匠磨製為刀又之柄用之以為養其日吾為此所以示飲食不忘吾臂也噫所為如是殆真別有肺腸者耶

實堪憫惻

○人富遠遊異域望斷鄉關本欲獲有資財言還故里為一勞永逸之計故不憚馳驅若夫利僅蠅頭又賤同牛馬此等苦事壯夫不為而仍首下心甘為此役者蓋為口腹家室之累耳嗟嗟天下之最賤最苦之事孰有如牽車者哉前時租值非昂尚可自給今漲至每日租銀五角而乘坐者又不加增其價所得無多除納却車稅之外其能為日給之數者蓋亦無幾矣貧苦小民未蒙在上者偶一念及究於非使匹夫不獲之政不有乖乎洪某聞之詔安人向以牽車為業携有家室寓於竹脚地方日中所需惟洪是賴近以勞苦過甚染有探薪之憂二暨驟使一家同苦不得已帶病而出仍奔走於烈日之中昨為西人僱之牽車至附近賃籠岡之處言明薪金七角為以為酬勞洪明知路遠力微且在病後以其昂價故勉為之比至則筋力俱疲遍身冷汗得領之後四肢如癱斜坐車中奄然一息幸有其僱人呂某亦與僱業者率一空車信步而至見洪臥於車上意甚倦而少頹乃疾聲呼之迄不見應乃停車路側以手扯之隨手而仆呂大驚遍撫其額則渾身皆濕如在水中撈起者呂乃向附近之山園中告知梓里遂感來相視命呂扶洪臥於車上而將其車聯貫帶回報於其妻與家感激亟延醫診視謂其勞傷過甚如遲數刻則下汗不止將有性命之虞云

槌如法攝

○近來賊匪之輩固無時無地無之偶不及防則有失盜之患身在旅中者不可不知也昨日有瓊洋人曾某欲附廣東渡携有枕箱數事與友同至丹戎巴葛固輪行將到矣忽覺口渴因欲於傍傍之賣涼水者相距數武又有賣果者在焉曾某欲購而忘却數物亦謂相去不遠故無待携之而前也詎曾偶一回顧則各物已奉製而飛四等無蹤仰天徒呼箱內共有銀八十餘元細細衣服一概盡失身上僅有銀一角三仙垂頭喪氣與其友嗟歎而回聞曾本縫匠向在小坡亞勝街傭工積儉極勤得銀數千洋鈔為僑島知還之計今一旦失却東渡無從迫得舊業尋尋按下列舉之念而已